

PUOGAE YA MOPHATO 3

Robi Mmutlanyana o tsietsa Freddie Phokojwe



SETSWANA

Maemo:

1

Buka

1



Puiso e e kaelwang ya ditlhophha

Pele ga puiso

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a a bothata pele ba buisa kgang.

Puiso ya ntsha

- Barutwana ba tshwanetse go buisa buka ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' buka.
- Tsamaya, tsamaya go tswa mo morutwaneng mongwe go ya kwa go yo mongwe, o kopa morutwana mongwe le mongwe go buisetsa karolo ya buka kwa godimo.

Motlotlo

- Botsa dipotso tsa tekatlhaloganyo tse di ikaegileng ka buka.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e di le botlhokwa le mosola go kaela motlotlo wa phaposi.

Puiso ya bobedi

- Mo malatsing a a latelang, letla barutwana go buisa buka gape, ka dipara kgotsa ka bongwe ka bongwe. (Tlhophha ditirwana tse di lekaneng maemo a barutwana)
- Tsepamisa matlho mo kelelong ya puiso, thutapuong le mo tlotlofokong.
- Letla barutwana go feleletsa ditirwana tse di kaelwang tsa ditlhophha tse di tsenyeleditsweng kwa morago ga buka e. (Tlhophha ditirwana tse di lebaneng maemo a barutwana)



Letla barutwana go diragatsa kgang fa e ba letla go dira jalo.



Barutwana ba tshwanetse go dira ditirwana tsa puiso ya ditlhophha morago ga puiso. Letla barutwana go bereka kana go dira ka ditlhophha go feleletsa ditirwana tse di maleba tsa puiso ya ditlhophha tse di tsenyeleditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwae mo dibukeng tsa bona tsa dithutiso.

Robi Mmutlanyana o tsietsa Freddie Phokojwe




Mo ngwageng o, pula e ne e sa na,
mme dijalo di ne di omile tota.

Balemi ba lebile godimo, ba solofetse
pula, mme ga se nne le lerus le le
solofetsang.

Freddie Phokojwe, yo polase ya
gagwe e neng e bapile le noka, o ne a
na le dijalo tsa botala jo bo galalelang.

O ne a na le maungo le merogo
e mentsi ka gobo o ne a kgona go
pompa metsi go tswa mo nokeng.

Le gale, Freddie Phokojwe o ne a
sa fe ope metsi kgotsa maungo le
merogo ya gagwe.



Ka letsatsi lengwe le le mogote, Robi Mmutlanyana a tsaya tshwetso ya go khukhunela polasa ya ga Freddie Phokojwe gore a ye go iponela dijotshegare. Ka ponyo ya leithlo, Freddie Phokojwe a bo a setse a mmone.

"Grrrr! Fa o ka kgoma maungo a me, ke ya go go kometsa ka gangwe!" ga goa Freddie Phokojwe.

Robi Mmutlanyana a tlhanola direthe, molemi yo o befetsweng a mo tebetse. Le gale Robi Mmutlanyana a kgon a go nyelela!

Jaanong Robi Mmutlanyana a iphetolela go lephutshe le legolo le lesetha.

"Fa ke tlaa fitlhelang Mmutlanyana yole teng, ke ya go mo ja jaaka e kete ke ja lephutshe," Phokojwe a goa ka mabifi, a ntse a ragela lephutshe kwa mmung o o kwa thoko kwa.

Fa lephutshe le kgoma mmu, la fetogela go Robi Mmutlanyana, mme ena a siana go ya go batla dijo felo gongwe.



Freddie Phokojwe a tebela
Mmutlanyana mme a mo tshwara ka
mogatla. "Jaanong ke ya go go ja..."

Le gale, jaanong Mmutlanyana wa
iphetola go nna matute a a isegang
a mmenku.

"Ijaa, bona matute a a mmenku!"
ga goa molemirui yo. "Fa nka jala
dimmenku tse di monate di le dintsi,
nka di rekisa mme ka nna mohumi,"
a akanya jalo.

"Ke ya go ja mmenku o, mme ka jala
peo ya ona. Ka jalo ke ya go nna le
dijalo di le dintsi tse dintle tsa mmenku
tse nka di rekisang."



Fa Freddie Phokojwe a ipaakanyetsa go natha mmenku, a longwa ke notshe mme a latlhela mmenku fa fatshe.

"Tsamaya notshe tote!"

Ka pejana fela,mmenku wa fetoga go nna Robi Mmutlanyana, mme ka pejana, wa tlola, wa tshela, mme wa tshaba.

Freddie Phokojwe a tebela mmutla, le gale Mmutlanyana wa re tike, mo ditlhhatshaneng.

"Ke tlaa bo ka go tshwara wena Robi Mmutlanyana!" ga goa Freddie Phokojwe ka mabifi. "Ga go kgakala!"




Kgantele molemirui Freddie Phokojwe a bona Mmutlanyana o ja legapu la gagwe.

"Heela! Magapu ao ke a me a tlhotlhwa tota," a goa jaana a tebetse Mmutlanyana.

Ka mmutlanyana o ne o tshwerwe ke tlala, wa kometsa magapu a le mabedi ka ponyo ya leitlhó!

"A dijotshegaré tse di monate ruri," ga rialo Mmutlanyana o ntse o itatswa dipounama. "Se ke neng ke se tlhoka mo letsatsing le le bolelo jaaka le!" Fa Robi a bona molemirui, a tlhanola direthe gape.



Molemirui a tebela Robi Mmutlanyana.

"Ka letsatsi le, ke ya go go tshwara!"

a goa, le gale, Mmutlanyana wa nyelela.

Ka nako e, Mmutlanyana a iphetola kota. Fa Freddie Phokojwe a ntse a tebela Mmutlanyana, a kgopiwa ke kota e.

"Itšuu!" a kua a ntse a wa,

"Ke tshwanetse go go tshwara ntšhete tote wa mmutla!"



"A mme Freddie Phokojwe
yo o botlhale o ka tsiediwa ke
Mmutlanyana yo monnye jaana?"
a akanya a ntse e itlhotalhora lorole.

Molemirui a tsholetsa kota mme a
e latlhela kwa kgakala.

Fa kota e sena go kgokologa mme
e fitlha kwa tlase, ya fetoga go nna
Robi Mmutlanyana, mme a sianela
kwa nokeng.

"Jaanong ke ya go mo tshwara ka
gobo mmutlanyana ga o kgone go
thuma," molemirui a akanya.

"Thusang!" ga kua Mmutlanyana
a tshogile.



Ya re molemirui a atametse go
tshwara mmutlanyana, a kgopiwa
ke letlapa le lentsho.

"Aaah!" ga goa molemirui.

A kuka letlapa mme a le konopela
bokgakaleng jo a neng a bo kgonna.
Letlapa la fofa jaaka nonyane e
ntsho. La tshela nok a mme la fitlha
ka kwa ga yona.


Mme fa le goroga...



Fa le goroga, letlapa la fetoga go nna
Robi Mmutlanyana yo o neng a ipela
ka boitumelo.

Robi Mmutlanyana a opela ka boitumelo
“O nthusitse go kgabaganya noka!
O nthusitse go kgabaganya noka!”
mme a bina a bo a nyelela.


Freddie Phokojwe a lebelela
mmutlanyana jaaka a nyelela. Freddie
Phokojwe a ipotsa gore mo isagweng,
a dire eng go thibela baagi go ja
dijalo tsa gagwe.



Ka letsatsi le le latelang, Freddie
Phokojwe a loga leano.

**A thusa baagi gore ba ithuse
ka bobona.**

Ba ne ba kgona go pompa metsi go
tswa mo nokeng go ya kwa dipolaseng
tsa bona.



Dinaane



Dinaane ke dikanelo tse di anelwang go tswa tshikeng go ya go e nngwe. Dinaane di ruta tsamaiso di ntse di itumedis segongwe. Bontsi jwa dinaane bo ka ga diphologolo tse di buang. A bonkoko le borremogolo ba gago ba go anela dinaane tse di go rutang sengwe?

O itse dinaane dife go tswa mo dibukeng tse di latelang?



Ditirwana tsa puiso ya ditlhophha

Lebelela ditshwantsho.



- Bolelela tsala ya gago gore go diragalang mo tlhha, sa bobedi le sa bofelo.
- Bolelela tsala gore ke setshwantsho sefe se e leng sa tlhha, sa bobedi, sa boraro le sa bofelo.
- Tlotlela tsala ya gago kgang e gape, o dirisa ditshwantsho.



Lebelela mafoko le ditshwantsho. Mafoko a utlwala a tshwana le gale a na le bokao jo bo farologaneng. Bolela gore ke lefoko lefe le le nyalelanang le setshwantsho. Morago dirisa mafoko a mo dipolelong. A kwale mo bukeng ya gago ya dithutiso.

tlhaga	bua	loa	bona	fitlha
tlhágá	bùá	löá	bòná	fitlhá



3

Batla lefoko mo kgannyeng le le nang le bokao jo bo tshwanang le jwa mafoko a a latelang:

befetse

tena

isega

go wa

buela godimo


go sa bonwe



4

Buisana le tsala ka ga kgang.

- Baanelwabagolo ba kanelo e ke bomang?
- Tlhalosa baanelwabagolo.
- Robi Mmutlanyana o iphetoletse go eng gore a boloke botshelo jwa gagwe go tswa mo go Freddie Phokojwe?
- Kwa bofelong Robi Mmutlanyana o iphetoletse go eng go boloka botshelo jwa gagwe? Se se mo thusitse jang?
- Freddie Phokojwe o fetotse botshelo jwa gagwe jang go tswa tshimologong go ya bokhutlong jwa kgang?
- Go diragetse eng kwa tshimologong ya kgang?
- Go diragetse eng mo bogareng jwa kgang?
- Go diragetse eng kwa bokhutlong jwa kgang?





5

Akanya gore o Robi Mmutlanyana. Kwala setsenywa sa bukatsatsi o tlhalosa letsatsi la gago kwa polaseng ya ga Freddie Phokojwe.

Letsatsi _____

Letlha _____



6

Nopola polelo e e supang gore molemirui o bifetswe.
Thala setshwantsho go supa se.



7

Robi Mmutlanyana o fetogetse go dilo di le mmalwa.
Ke dife? Akanya ka ga dilo dingwe tse a ka bong a
fetogetse go tsona. Kwala temana ya dipolelo di ka nna 6,
o tlhalosa gore phetogo e e ka bo e mo thusitse jang go
tila serai sa ga Freddie Phokojwe.

PUOGAE YA MOPHATO 3



Buka 1

<i>Leina kana setlhogo:</i>	Robi Mmutlanyana o tsietsa Freddie Phokojwe
<i>Puo:</i>	Setswana
<i>Maemo:</i>	Padiso ya Puogae Mophato 3 Maemo 1 Buka 1
<i>Mofuta wa sekwalwa:</i>	Kanelo
<i>Mafoko a tlwaelo:</i>	tswa go, na, sele, bona, tsona, se, tsele, eng, leng, mo
<i>Tlotlofoko:</i>	dijalo, tshabile, rorile, monate, nonoeletse, tshogile, goile, ngongoregile
<i>Medumopuo:</i>	th-, ts, tsh, ng, ee, oo, ea, ai, ou
<i>Diteng, marel le bokgoni:</i>	<ul style="list-style-type: none">• Tlotla kana tlhalosa ditshwantsho• Tlhomaganya ditshwantsho• Tlotla kgang gape o dirisa ditshwantsho• Supa kana lemoga makwalwatshwano• Supa kana lemoga makaelagongwe• Araba dipotso tse di tlhamaletseng le tse di sa tlhamalalang ka ga sekwalwa• Kwala setsenywa sa bukatsatsi• Kopolola polelo o bo o thala setshwantsho se se nyalanang• Kwala temana

CAPS e batla gore barutabana ba beele kwa thoko nako e e rileng ya go tota puiso ya ditlhophpha e e kaelwang letsatsi le lengwe le lengwe. Puiso ya ditlhophpha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.

Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhaloganya e barutwana ba tlaa e tlhokang fa ba buisa.

Mekgwaa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretsa ditirwana di le mmalwa tsa 'puisano ka ga sekwalwa'. tekathlaloganya le ditirwana tse dingwe tse di tsamaelanang go thusa morutabana go kaela puiso ya ditlhophha mo diphaposiborutelong tsa bona.

ISBN 978-1-4315-2671-0



9 781431 526710



ISBN 978-1-4315-2671-0

**THIS BOOK MAY NOT
BE SOLD.**



basic education


Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

**Dibuka tse digwe tse di
mo šelofong ya Puogae ya
Mophato 3**



**Robi Mmutlanyana o tsietsa
Freddie Phokojwe**

Letsholo la kwa lewatleng

Boitumediso mo khitsining

**Bukatsatsi ya Ngwana
Matshwenyego**



Go ngweega go gogolo

**Thandi o na le letsatsi
le le bosula**

Beke ya go ka gakologelwa



**Go na le selalome mo rakeng
ya me**

**Kgetse ya dikukukopi
tse di latlhiegileng**

Go a makatsa mme ke nneta